

儀禮講義

魏鑑講述

五禮通例篇

禮記禮器孔子曰誦詩三百不足以一獻一獻之禮不足以大饗大饗之禮不足以大旅大旅具矣不足以饗帝母輕儀禮鄭注謂若誦詩者不可以強言禮荀子勸學篇學惡乎始惡乎終曰其數則始乎誦經終乎讀禮故書者政事之紀也詩者中聲之所止也禮者法之大分類之綱紀也故學至乎禮而止矣陳氏澧曰經學難者三禮國朝經學極盛諸經師林立而兼治三禮者蓋寡近者經學衰矣禮學雖難然記有之曰難者不避人人皆避難就易經學安得不衰歟東塾文集又曰木子答陳才卿書云儀禮雖難讀然却多是重複倫類若通則其先後彼此展轉參照足以互相發明此所謂倫類卽凡例也朱笥河欲撰釋例之書見笥河集序釋例則凌次仲爲之矣東塾讀詩記章案儀禮釋例江氏永已先爲之其目止題釋服一曰天子冕服二曰諸侯冕服三曰大夫冕服四曰爵弁服五曰皮弁服六曰韋弁服蓋未成之書不如凌氏之備但凌氏所釋止釋儀禮未兼三禮作釋易傳曰觀其會通以行典禮茲舉禮例之要根本儀禮會通羣經爲禮學之先導亦卽爲經

學之指歸。世有成學治古文者。末不亦樂歟。最括其目。曰吉禮例。一曰凶禮例。二曰賓禮例。三曰軍禮例。四曰嘉禮例。五。

吉禮例

凡士祭尸九飯。

特牲饋食禮尸食舉

少牢注舉牢肺正脊也

尸三飯告飽。祝侑主人拜。注三飯告飽禮一成也。侑勸也。或

曰又勸之使又食。此始三飯也。經又云佐食舉幹

注幹長脊

尸又三飯告飽。祝侑之如初。注禮再成

也。此又三飯也。合前爲六飯。經又云舉骼尸又三飯告飽。祝侑之如初。注禮三成。此終三飯也。

合前爲九飯。經又云舉肩。注不復飯者。三三者士之禮大成也。舉先正脊後肩。自上而卻下。綏

而前。終始之次也。

大夫祭尸十一飯。

少牢饋食禮尸入食舉三飯。此始三飯也。經又云上佐食舉尸牢幹尸又食。此又一飯。合前爲

四飯。經又云食戠又食。此又一飯。合前爲五飯。經又云上佐食舉尸臘肩又食。此又一飯。合前

爲六飯。經又云上佐食舉尸牢骼又食。此又一飯。合前七飯。經又云尸告飽。祝西面於主人之

南。獨侑不拜。曰。皇尸未實。侑尸又食。此又一飯。合前爲八飯。經又云。上佐食舉尸牢肩。尸不飯告飽。祝西面於主人之南。主人不言拜。侑尸又三飯。此終三飯也。合前爲十一飯。有司徹不賓尸之禮。尸亦十一飯。

案賈疏云。此與特牲皆有尸飯法。天子諸侯當亦有之。故大祝九拜之下云。以享侑祭祀。注。侑勸尸食而拜。若然。士三飯。卽告飽而侑。大夫七飯。告飽而侑。諸侯九飯。告飽而侑。天子十一飯而侑也。禮記禮器曰。有以少爲貴者。天子一食。諸侯再。大夫士三。食力無數。注。一食再食三食。謂告飽也。食力。謂工商農也。孔疏云。按儀禮。特牲有九飯。少牢十一飯。鄭云。諸侯十三飯。天子十五飯。此云一食再食。與彼不同。此據食畢。更加飯告飽之數也。然則論語亞飯干三飯。繚四飯飽。自爲生人三食三侑之樂。而天子祭十五飯。十一飯而侑。諸侯祭十一飯。九飯而侑。亦當有樂侑之。與大夫士禮不同。

凡尸飯。舉脊爲食之始。舉肩爲食之終。

李氏如圭曰。食舉卽肺脊。食必先舉之。故曰舉。少牢注。四舉牢體。始於正脊。終於肩。尊於終始。注雖據少牢言之。其實特牲士虞亦始脊次脅次骼終肩。與大夫例同。

凡尸所食。皆加於胙俎。若虞祭則以簠代之。

士虞禮注。簠猶吉祭之有胙俎。

凡胙俎。皆載心舌。尸未入。先設於阼階西。

特牲饋食記。胙俎。心舌皆去本末。午割之。實於牲鼎。載心立舌縮俎。注。午割。從橫割之。亦勿沒。立縮。順其性。心舌知食味者。欲尸之饗此祭。是以進之。

少牢饋食禮。佐食上利升牢心舌。載於胙俎。心皆安下切上。午割勿沒。其載於胙俎。末在上。舌皆切本末。亦午割勿沒。其載於胙。橫之。皆如初爲之於爨也。注。牢羊豕也。安平也。平割其下。於載便也。凡割本末。食必正也。午割使可絕。勿沒爲其分散也。

案禮記郊特牲。胙之爲言敬也。注。爲尸有胙俎。此訓也。孔疏云。按特牲少牢。尸祭饌後。祝取牢心舌。載於胙俎。設於饌北。尸每食牲體。反之於胙俎。是主人敬尸之俎也。胙俎之義。具於此記。又少儀曰。牛羊之肺。離而不提心。注。剝離之。不絕中央少者。是牲之肺。亦如心舌之勿沒。但非午割耳。

凡尸所食之肺脊。必先奠於菹豆。尸卒食。佐食始受之。加於胙俎。

牲體尸祭臚畢卽加於肝。唯肺脊不然。特牲禮三飯後佐食舉幹時尸實舉於菹豆。少牢士虞經不云尸實舉於菹豆者。文不具也。敖氏繼公以爲少牢肺脊尸未嘗奠之。說與注違。不可從。少牢禮尸十一飯後上佐食受尸牢肺正脊加於肝。注言受者尸授之也。尸受牢幹而實舉於菹豆。食畢操以授佐食焉。

凡尸卒食。酳尸。皆主人初獻主婦亞獻賓長三獻。

特牲禮

便文省微食二字下仿此

尸九飯後主人洗角升酌酳尸。尸拜受主人拜送。尸祭酒。啐酒。賓長以肝

從尸左執角右取肝。揔於鹽振祭。臚之加於菹豆。卒角祝受尸角曰送爵。皇尸卒爵主人拜尸

答拜。

初以上獻

獻畢尸酢主人主人獻祝及佐食。又云主婦洗爵於房酌亞獻尸。尸拜受主婦北面

拜送。宗婦執兩簋戶外坐。主婦受設於敦南祝贊籩祭尸受祭之。祭酒啐酒兄弟長以燔從尸

受振祭。臚之反之。羞燔者受加於肝出尸卒爵祝受爵命送如初。

以上亞獻

獻畢尸酢主婦主婦獻

祝及佐食。又云賓三獻如初。燔從如初。爵止。

以上三獻

此爵止未舉俟主婦致爵於主人及主人致

爵於主婦後尸始卒此爵而酢賓長賓長始獻祝及佐食也。

少牢禮

省饋食二字

尸十一飯主人降洗爵升北面酌酒乃酳尸。尸拜受主人拜送尸祭酒啐酒賓

長羞牢肝。用俎。縮執俎。肝亦縮進。末鹽在右。尸左執爵。右兼取肝。揔於俎。鹽振祭。臍之加於菹豆。卒爵。主人拜。祝受尸爵。尸答拜。以上初獻獻畢。尸酢主人。主人獻祝及兩佐食。又云。主婦洗於房中。出酌入戶。西面拜獻尸。尸拜受。主婦主人之北。西面拜送爵。尸祭酒。卒爵。主婦拜。祝受尸爵。尸答拜。以上亞獻獻畢。尸酢主婦。主婦獻祝及兩佐食。又云。賓長洗爵。獻於尸。尸拜受爵。賓戶西北面拜送爵。尸祭酒。卒爵。賓拜。祝受尸爵。尸答拜。以上三獻獻畢。尸酢賓長。賓長獻祝。不及兩佐食。有司徹。饌尸於堂。亦備三獻。不饌尸。則尸十一飯後。亦如特性三獻。惟賓長三獻。爵止後。無主人致爵於主婦之儀。與特性異。

案士昏禮注。醕。漱也。醕之言。演也。安也。漱所以潔口。且演安其所食。特性禮注。醕。猶衍也。是獻尸也。謂之醕者。尸既卒食。又欲頤衍養樂之。今文醕皆爲酌。少牢禮注。醕。猶沃也。既食之。而又飲之。所以樂之。古文醕作酌。士虞禮注。醕。安食也。古文醕作酌。說文。酌。少飲也。禮記曲禮虛口注。謂醕也。釋文。醕。漱口也。以酒曰醕。以水曰漱。正義。虛口。謂食竟飲酒。蕩口。使清潔。及安食也。用漿曰漱。用酒曰醕。醕。訓演。言食畢。以酒演養其氣。是醕本食已而蕩口之稱。漢書賈山傳注同昏禮贊醕。主人醕婦。皆三醕。而祭禮則變名曰三獻。此三獻亦卽三醕耳。鄭注以演義衍說之。雖

以聲訓聲亦兼義衍水朝宗於海兒也。演長流也。通作潢。水脈行地中潢潢然。願欲今本說文作貪欲

為延之假字。延。長行也。言酒之安人體如水之行也。昏禮。酌亦皆以肝從。注飲酒宜有肴以安

之。肝為炙。燔為燔。燔廟火熟肉也。燔宗詩。鳧鷖所謂旨酒欣欣。傳欣欣然樂也。燔炙芬芬香也。又此時尸

祭酒即周禮大祝之二曰衍祭。李氏光坡始釋衍為醕。凌氏庭堪引詩伐木醕酒有衍傳衍美兒。尸祭肝。燔即大祝之五曰振

祭。鄭注將食者既祭。振必振乃祭也。矣。又周禮夏官量人。凡祭祀饗賓。制其從獻脯。燔之數量。注鄭司農云。從獻

者。肉殽從肉也。玄謂燔。從於獻酒之肉炙也。正據此經為說。

凡尸酢主人時必嘏

特性禮。主人初獻。尸醋主人。主人拜受角。尸拜送。主人退。佐食授接祭。注其受祭亦取黍稷肺祭。主人坐。左

執角受祭。祭之。祭酒。啐酒。進聽嘏。佐食搏黍授祝。祝授尸。尸受。以菹豆執以親嘏主人。注受福

長也大也。尸授之以長大之福其辭則少牢饋食禮有焉。主人左執角。再拜稽首受。復位。詩懷之。注詩猶承也。實於左袂。挂於季

指。卒角拜。尸答拜。主人出。寫嗇於房。注變黍言嗇因事託戒欲其重稼嗇嗇者農力之成功。祝以籩受。

少牢禮。主人初獻。尸醋主人。主人拜受爵。尸答拜。主人西面奠爵。又拜。注俠爵拜上佐食取四

敦黍稷。下佐食取牢一切肺。以授上佐食。上佐食以綏祭。注綏或作授按讀為墮。主人左執爵。右受佐食。

坐祭之。又祭酒。不興。遂啐酒。祝與二佐食皆出。盥於洗。入。二佐食各取黍於一敦。上佐食兼受。

搏之以受尸。尸執以命祝。卒命祝。祝受以東。北面於戶西。以嘏於主人。曰。皇尸命工祝。承致多。

福。無疆於女孝孫。來女孝孫。使女受祿於天。宜稼於田。眉壽萬年。勿替引之。注。嘏大也。予生人。以大福也。來讀曰。

釐釐。賜也。耕種曰稼。主人坐奠爵。興。再拜稽首。興。受黍。坐振祭。嚼之。詩懷之。實於左袂。挂於季指。執爵以

興。坐卒爵。執爵以興。坐奠爵。拜。尸答拜。執爵以興出。宰夫以饔餼受。嗇黍。主人嘗之。納諸內。注。收。斂曰。

齋復嘗之者。重之至也。疏曰。特牲不言嘗者。文不具。

案詩楚茨曰。我孔熯矣。式禮莫愆。工祝致告。徂賚孝孫。苾芬孝祀。神嗜飲食。卜爾百福。如幾如

式。既齊既稷。既匡既勅。永錫爾極。時萬時億。傳熯敬也。善其事曰工。賚予也。幾期式法也。稷疾

救固也。箋云。我孝孫也。式法。莫無愆過。徂往也。孝孫甚敬矣。於禮法無過者。祝以此故。致神意

告主人。使受嘏。既而以嘏之物。往予主人。卜予也。苾苾芬芬。有馨香矣。汝之以孝敬享祀也。神

乃欲耆汝之飲食。今予汝之百福。其來如有期矣。多少如有法矣。此皆嘏辭之意。齊減取也。稷

之言卽也。嘏之禮。祝徧取黍稷。牢肉魚。孺於醢。以授尸。孝孫前就尸受之。天子使宰夫受之以

匡。祝則釋嘏辭以敕之。永長極中也。又曰。長賜汝以中和之福。是萬是億。言多無數。此鄭君以

禮箋詩也。禮記郊特牲曰。尸神象也。祝將命也。嘏長也大也。富也者。福也。注。主人受祭福曰嘏。人君嘏辭有富。此訓之也。或曰。福也者。備也。郊特牲又曰。祭黍稷加肺。注。謂按祭也。按祭即少牢綏祭。特牲禮注。按祭祭神食也。今文按皆爲綏。古文此皆爲按祭也。按祭不止祭黍稷加肺而皆以按祭統之。特牲禮曰。尸卽席坐執奠。祝命按祭。尸左執鬴。右取菹。揔於醢。祭於豆間。豆祭佐食取黍稷肺祭授尸。尸祭之。此肺祭酒。酢酒。告旨。主人拜。尸奠鬴答拜。祭黍稷肺祭鉶。嘗之。告旨。主人拜。尸答拜。祭鉶祝命爾敦。佐食爾黍稷於席上。設大羹滫於醢北。舉肺脊以授尸。尸受振祭。臠之。左執之。此肺此尸之按祭。皆在未食之前。少牢禮。尸入亦先祭豆。次祭黍稷。一切肺次祭離肺正脊。而後祭鉶。又不祭酒。與特牲禮異耳。至尸酤主人。主人亦按祭。尸酤主婦。主婦亦按祭。按祭皆黍稷加肺。祝但授而不命。下於尸也。禮記曾子問曰。攝主不假不綏祭。注。假讀爲嘏。不嘏主人也。不綏祭。謂今主人也。綏。周禮作墮。周禮小。祝大祭祀。贊墮。注。墮尸之祭也。疏云。主人受尸酤時。亦有墮祭。又守祧。既祭則藏其墮。注。立謂墮。尸所祭肺脊黍稷之屬。墮字通墮。士虞禮正作墮祭。注。下祭曰墮。墮之爲言。猶墮下也。今文墮爲綏。齊魯之間。謂祭爲墮。引周禮司桃職文。亦作墮。李光地。凌庭堪。孫希旦。夏炘。並以此按祭墮祭爲周禮大祝之命祭。章案。

主人主婦祭。祝不命。亦非盡命祭。

凡獻尸畢。皆獻祝及佐食。

特牲禮。主人初獻尸。嘏主人畢。筵祝南面。主人酌獻祝。祝拜受角。主人拜送。設菹醢俎。祝左執

角。祭豆興。取肺坐祭。臠之興。加於俎。坐祭酒。啐酒以肝從。祝左執角。右取肝。揔於鹽。振祭臠之

加於俎。卒角拜。主人答拜。此初獻又酌獻佐食。佐食北面拜受角。主人拜送。佐食坐祭。卒角拜。主

人答拜受角。降反於簠。此初獻主婦亞獻尸。酢主婦畢。獻祝籩。燔從如初。儀及佐食如初。卒以

爵入於房。此亞獻祝及佐食賓三獻爵止。主婦致爵於主人。主婦自酢主人。致爵於主婦。主人更爵自

酢。後尸卒爵。酢賓畢。酌獻祝及佐食。此賓三獻祝及佐食賓又致爵於主人。主婦更爵酢於主人。

少牢禮。主人初獻尸。嘏主人畢。主人獻祝。設席南面。祝拜於席上。坐受。主人西面答拜。薦兩豆。

菹醢。佐食設俎。祝取菹。揔於醢。祭於豆間。祝祭俎。祭酒。啐酒。肝牢從。祝取肝。揔於鹽。振祭臠之

不興。加於俎。卒爵興。此初獻主人酌獻上佐食。上佐食戶內。牖東北面拜。坐受爵。主人西面答

拜。佐食祭酒。卒爵拜。坐授爵興。俎設於兩階之間。主人又獻下佐食。亦如之。此初獻又主婦亞

獻尸。酢畢。易爵洗酌獻祝。祝拜。坐受爵。主婦答拜於主人之北。卒爵不興。坐授主婦。主婦受酌

獻上佐食於戶內。佐食北面拜。坐受爵。主婦西面答拜。祭酒。卒爵。坐授主婦。主婦獻下佐食。亦

如之。此亞獻祝及兩佐食又賓長三獻。尸酢畢。賓酌獻祝。祝拜。坐受爵。賓北面答拜。祝祭酒。啐酒。奠爵於

其筵前。此三獻祝也。注啐酒而下卒爵祭事。畢亦醉也不獻佐食將俛尸禮殺。

有司徹。不俛尸之禮。主人初獻畢。其獻祝及二佐食。其位其薦香皆如饋。又主人亞獻畢。獻祝

其酌如饋。拜。坐受爵。主婦主人之北答拜。宰夫薦棗糗。坐設棗於菹西。糗在棗南。祝左執爵。取

棗糗祭於豆。祭酒。啐酒。次賓羞燔如尸禮。卒爵。主婦受爵酌獻。二佐食亦如饋。此亞獻祝及二佐食又

賓長三獻。爵止。主婦致爵於主人。主婦自酢後。無主人致爵於主婦及主人自酢二節尸卒爵。酢賓畢。獻祝及二

佐食。此三獻祝及二佐食賓又致爵於主人。主婦易爵。酢於主人。

凡致爵皆在賓三獻之間。加爵者亦致爵。

特牲禮。賓三獻。爵止。席於戶內。注西主婦洗爵酌致。爵於主人。主人拜受爵。主婦拜送爵。宗婦

贊豆如初。注初贊亞獻也主婦受。設兩豆兩籩。俎入。設。主人左執爵。祭薦。宗人贊祭。奠爵。興。取肺。坐絕

祭。臠之。興。加於俎。坐稅手。祭酒。啐酒。肝從。左執爵。取肝。揔於鹽。坐振祭。臠之。宗人受。加於俎。燔

亦如之。興。席末坐。卒爵。拜。主婦答拜。此主婦致爵於主人受爵酌酢。左執爵拜。主人答拜。坐祭。立飲。卒爵

拜主人答拜。此主婦自酢。主婦出反於房。主人降洗酌致爵於主婦。席於房中南面。主婦拜受爵。主

人西面答拜。宗婦薦豆俎從獻。皆如主人。此主人致爵於主婦。主人更爵酌酢。卒爵降實爵於簠。入復位。

此主人自酢。至尸卒爵。酢賓。賓獻祝獻佐食後洗爵酌致於主人。主婦燂從皆如初。注如亞獻及主人主婦致爵也。

凡獻佐食皆無從。更爵酢於主人。卒復位。此賓自酢。有司徹不償尸之禮。賓三獻爵止。主婦

洗於房中酌致於主人。主人拜受。主婦戶西北面拜送爵。司宮設席。主婦薦韭菹醢坐設於席

前。菹在北方。婦贊者執棗糗以從。主婦不興受。設棗於菹北。糗在棗西。佐食設俎。主人左取爵

右取菹。揔於醢。祭於豆間。遂祭籩。奠爵興取牢肺。坐絕祭。臠之興加於俎。坐稅手祭酒。執爵以

興坐。卒爵拜。主婦答拜。此主婦致爵於主人。受爵酌以酢。戶內北面拜。主人答拜。卒爵拜。主人答拜。此主婦自酢。

至尸卒止爵。酢賓。賓獻祝獻兩佐食後洗致爵於主人。主人席上拜受爵。賓北面答拜。坐祭

遂飲。卒爵拜。賓答拜。此賓致爵於主人。受爵酌致爵於主婦。主婦北堂。司宮設席。東面。主婦席北東面

拜受爵。賓西面答拜。婦贊者薦韭菹醢。菹在南方。婦人贊者執棗糗授婦贊者。婦贊者不興受。

設棗於菹南。糗在棗東。佐食設俎於豆東。主婦升筵坐。左執爵。右取菹。揔於醢。祭之。祭籩。奠爵

興取肺。坐絕祭。臠之興加於俎。坐稅手祭酒。執爵興筵北東面立。卒爵拜。賓答拜。此賓致爵於主婦。賓

受爵。易爵於筐。洗酌酢於主人。戶西北面拜。主人答拜。此賓自酌

酢於主人

賈公彥疏。少牢饋食禮曰。特牲賓長獻爵止。待夫婦致爵。此大夫禮。有僎尸者。故不致爵。爵不止也。有司徹。尸作止爵。三獻致爵於主人。主人不酢主婦。又不致爵於主婦。下大夫不僎尸。賓獻尸止爵。主婦致爵於主人。酢主婦。主人不致爵於主婦。特牲主人與主婦交相致爵。參差不同者。此以尊卑爲差降之數。上大夫得僎尸。故致爵上辟人君。下大夫不僎尸。故增酢主婦而已。士卑不嫌與人君同。故致爵具也。案賈疏。推士禮而致於人君。祭致爵如特牲禮。禮記祭統曰。君卷冕立於阼。夫人副褱立於東房。夫人薦豆執校。執醴授之執鐙。尸酢夫人執柄。夫人受尸執足。夫婦相授受。不相襲處。酢必易爵。明夫婦之別也。孔疏。夫婦相授受。不相襲處者。謂夫婦交相致爵之時。襲因也。其執之物。不相因故處。酢必易爵者。謂夫婦交相致爵之時。主人受主婦之酢。易換其爵。此人君祭有交相致爵之證。加爵亦致。詳下。

凡加爵皆在賓三獻之後。亦在賓兄弟獻酬後。

特牲禮。賓三獻復位。主人獻賓衆賓及長兄弟衆兄弟內兄弟。訖。長兄弟洗觶爲加爵。如初儀。不及佐食。洗致如初。無從。此長兄弟爲加爵衆賓長爲加爵。如初。爵止。此衆賓爲加爵注。大夫士三獻而禮成。

多之爲加也。不及佐食。無從殺也。致。致於主人主婦。

張氏爾岐曰如初儀如初者如賓長三獻之儀長兄弟洗觚獻尸一也尸酢長兄弟

二也獻祝三也致爵主人四也致爵主婦五也受主人酢六也凡六爵衆賓長加爵亦如長兄弟

追賓兄弟旅酬之間爲加爵者作止爵如長

兄弟之儀。

此終衆賓長加爵之禮

追旅酬無算爵後利又洗散獻於尸。酢及祝如初儀。降實散於篚。注利

佐食也。言利以今進酒也。更言獻者以利待尸。禮將終宜一進酒。嫌於加爵亦當三也。不致爵

禮又殺也。案觀鄭注。嫌於加爵亦當三。此又不致。則鄭意不以利獻尸爲加爵。凌氏廷堪亦以

爲加爵。謂士祭正獻後加爵三。是用陳祥道說。

有司徹。不償尸之禮。主人獻衆賓及兄弟與內賓與私人後。賓長獻於尸。尸酹獻祝。致酹。賓以

爵降實於篚。注。致。謂致爵於主人主婦。不言如初者。爵不止。又不及佐食。

此次賓長爲加爵亦致爵主人主婦

追

無算爵後。利洗爵獻於尸。尸酹獻祝。祝受祭酒。啐酒奠之。注。利獻不及主人殺也。此亦異於償

案償尸無利獻尸禮。

陳祥道禮書。士禮。主人主婦賓三獻。又爵三。長兄弟賓長利獻之也。下大夫主人主婦賓三獻

又爵二。賓長與利獻之也。上大夫特主人主婦賓三獻而已。蓋士與下大夫無償尸。故有加爵

上大夫有償尸。故無加爵。天子諸侯有繹祭。又有加爵。禮所以隆於尊也。凌氏曰。陳氏指少牢

上篇正祭而言。若饋尸。則兄弟後生舉觶畢。賓長獻於尸。如初。賓長亦加爵也。章案有司徹注云。不稱加爵。大夫尊也。故禮書亦不以爲加爵。饋尸禮。賓長獻尸後。次賓長一人。又舉爵於尸。如初。是饋尸禮。亦如不饋尸。爵二矣。禮記明堂位。爵用玉琖。仍雕。加以璧散。璧角。注。爵。君所進於尸也。仍。因也。因爵之形爲之飾。加。加爵也。散。角皆以璧飾其口。是諸侯祭禮。亦有加爵。如士禮。亦士卑不嫌與君同也。孔疏未是。詩小雅賓之初筵。賓載手仇。室人入。又箋云。仇。讀曰。斟。室人有室中之事者。謂佐食也。又復也。賓手挹酒。室人復酌爲加爵。孔疏以祭無取於匹。故曰仇。讀曰。斟。謂斟挹取酒也。佐食。佐尸食者。未知天子諸侯當幾人也。特性。三獻之後。止有長兄弟衆賓長爲加爵。不及佐食。此言賓與室人俱爲加爵。天子之禮大。故佐食亦爲加也。據詩疏。可知特性利洗散獻於尸。不言加爵之故矣。利卽佐食。若以獻於尸。亦爲加爵。則特性加爵。非不及佐食也。

凡加爵間。士祭有嗣舉奠禮。大夫祭無。

特性禮。衆賓長加爵後。嗣舉奠。盥入北面再拜稽首。尸執奠進受。復位。祭酒。辟酒。尸舉肝。記佐食設

豆鹽注肝宜鹽也舉奠左執觶。再拜稽首。進受肝。復位。坐食肝。卒觶拜。尸備答拜焉。舉奠洗酌入。尸拜

受。舉奠答拜。尸祭酒。啐酒。奠之。舉奠出復位。注。嗣主人將爲後者。舉猶飲也。使嗣子飲奠者。將傳重累之也。大夫之嗣子不舉奠。辟諸侯食肝。受尊者賜不敢餘也。啐之者。答其欲酢已也。奠之者。復神之奠。觶。嗣齒於子姓。凡非主人升降自西階。案此禮仍可以詩賓之初筵證之。詩。子孫其湛。其湛曰樂。各奏爾能。箋云。子孫各奏爾能者。謂既湛之後。各酌獻尸。尸酢而卒爵也。士之祭禮。上嗣舉奠。因而酌尸。天子則有子孫獻尸之禮。孔疏。以天子祭禮亡。約士之祭禮。有嗣子舉奠。因酌尸。不引少牢者。少牢無嗣子舉奠之事。士卑。故不嫌也。特牲酌尸不卒爵。又無酢直啐而奠之。與此不同。此云天子有子孫獻尸之禮。以明士禮無也。又禮記文王世子。其登餽獻受爵。則以上嗣。注。上嗣。君之適長子。受爵。謂上嗣舉奠也。獻。謂舉奠洗爵酌入也。餽。謂宗人遣舉奠。盥祝命之餽也。孔疏。舉奠唯天子諸侯及士之子禮。以特牲言之。則先受爵而後獻。獻而後餽。此經以餽爲重。從後以嚮先逆言之。故云登餽獻受爵。一登之文。包此三事。是也。蓋士禮尸啐酒。奠之。不與舉奠酢而卒爵。同中亦有異處。非合詩禮攷之不見也。

凡士祭賓三獻之爵止。神惠均於室。衆賓長加爵之爵止。神惠均於庭。大夫有止爵不止爵之異。特牲禮賓三獻如初爵止。注。初。亞獻也。尸止爵者。三獻禮成。欲神惠之均於室中。是以奠而待